



28. juli 2023

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuningga apeqquteqaateqarpunga:

Naalakkersuisunut apeqquteqaatit:

1. Pisortat ingerlataasa piaaralutik piffinni aallarnisaasup periarfissaanik aserorterinerat Naalakkersuisut qanoq isumaqarfigaat?
2. Pisortat ingerlataanit aallarnisaasut suliniutaannik aserorterinissaannut illersuutissanik Naalakkersuisut qanoq suliniuteqarniarpat?
3. Kommuneqarfik Sermersooq inatsisit malillugit iliorpa, nunaminertaq tunniunneqareersoq ilanngukkamik, kommunip ikuallaasarfiata kommunimut ataatsimoorussamik ikuallaasarfiliornermi?
4. Suliami pineqartumi Kommuneqarfik Sermersuup suleriaasianut Naalakkersuisut qanoq isumaqarpat?
 - a. Naalakkersuisut isumaqarpat, Kommuneqarfik Sermersuup Sassuma Sea Salt-ip tunisassiornerata nuunneqarneranut aningaasartuutit tamaasa akilissagai tassunga ilanngullugu kallerup inneranut allanullu attavilersornera?
5. Naalakkersuisut suliamut tunngasunik paasissutissanik allanik paasissutissiinnaappat?

(Inatsisartunut ilaasortaq Jens-Frederik Nielsen, Demokraatit)

Tunngavilersuut

Inuiaqatigiit aallarnisaasut isumassarsianit pitsaasunit peqartut pisariaqartippai, inuussutissarsiutinik siammassinnerusunik tunniussisinnaasut. Tamatta tamakku pingaassusaat eqqartorparput. Taamaakkaluartorlu isumaga malillugu soorlu, aallarnisaasut naallerarneqartuartartut annertuallaamik pisortat allaffissornerannit.

Aallarnisaasut Sassuma Sea Salt ineriartornerat malinnaaffigisimavara tupassutigisimallugulu piginnittup pisortat ingerlataannit iliuuseqarfigineqarnera.

Naatsumik oqaatigalugu Sassuma Sea Salt-imut 2017-imi nunaminertaq Nuummi kommunip ikuallaasarfiata eqqaaniittoq tunniunneqarsimalluni. Sassuma Sea Salt ikuallaasarfimmit kiassarnermit sinneruttoq pisiarisimavaat, tamannalu suliffeqarfimmut inuiaqatigiinnullu tamaginnut iluanaarutit taaneqarsinnaalluni.



Sassuma Sea Salt sineriak tamakkerlugu tunisassiai takussaalersimapput iluatsilluartumik. Suliffeqarfimmut alloriarneq tulliuluni avammut tunisassiulernissaq. Iluatsilluarsimavoq. Imaluunniit iluatsilluartutut oqaatigineqarsinnaalluni pisortat ingerlataasa annertuallaat akuliunnerisa tungaanut.

Kommunip ikuallaasarfiami kommunit ataatsimoorussamik ikuallaasarfianut ESANI A/S-imut ilaalertussaavoq tassungalu atatillugu Kommuneqarfik Sermersuup Sassuma Sea Salt nunaminertaq inissisimaffia ilanngussimallugu.

Taassumalu kinguneraa, Sassuma Sea Salt-ip nuuttariaqalernera. Aningaasartuutit annertoorujussuit tassunga atasut aallarnisaasup kisimiitsup soorunami nammassinnaanngilai, taamaattumillu suliffeqarfik akiliisinnaajunnaariaannaavoq ajornartorsiut aaqqinneqanngippat.

Taakku saniatigut ilanngussaq "Sassuma ikiorneqarsinnaanngitsoq", Sermitsiami saqqummiunneqartoq 23. juni 2023.

Ullut suliffiusut qulit iluanni apeqqutinnut akissutisinissara qilanaaraara.